

## California Colleges hab Universities

### California Community Colleges (CCC)

- Yuav tsum muaj 18 xyoo losis kawm tav high school
- Qheb kev moog kawm kuam tau Associate's Degree hab muaj ntau yaam programs kws kawm kuam tau certificates
- Muaj ntau tug xaiv moog kawm ob xyoo tes maam le hloov moog kawm rua cov tsev kawm ntawv college losis university
- Tug nqe tsi ntau hab yeej muaj nyajtxag paab (financial aid)
- Yog ib txuj kev kws koj pib kev kawm ntawv huv koj lub neej

### The California State University (CSU)

- CSU muaj txug le 23 lub chaw kawm ntawv thoob xeev California
- Txhua lub chaw kawm ntawv nyag muaj nyag lub homphaj qha ntaub ntawv hab nyag muaj nyag tug qauv qha ntawv
- Txhua lub chaw kawm ntawv nyag txawv nyag ib qhov hab txawv kev lig kev cai
- CSU qha tub moog rua liberal arts hab sciences hab muaj kev qha txug ntau txuj dlejnium ua
- Muaj tsev nyob pw kawm ntawv huv ntau lub thaaj chaw kawm ntawv
- Yog xaav paub ntxiv, moog saib rua huv puab lub website kws yog [www.csumentor.edu](http://www.csumentor.edu)

### University of California (UC)

- Feem ntau UC tsuas txais cov tub kawm ntawv huv high school kws yog 12.5 percent rov sau xwb
- UC system muaj txug 9 lub chaw kawm ntawv
- Cov tub kawm ntawv muaj cai kawm tav kuam tau Bachelor's, Master's losis Ph.D. degrees
- Yeej muaj dluab lwm yaam degrees xwsle kawm txug tshuaj (medical) hab kev lig kev cai (law)
- Muaj npe nto zoo thoob tebchaws hab muaj ntau txuj kev kawm txug ncaus npaas tej (athletic programs)
- Yog xaav paub ntxiv, moog saib rua huv puab lub website kws yog [www.ucop.edu](http://www.ucop.edu)

### Association of Independent California College & Universities

- Muaj 70 tawm lub colleges hab universities thoob lub xeev California
- Muaj cov colleges kws nto npe zoo thoob tebchaws
- Muaj kawm moog rua ntau yaam degrees xwsle, kawm txug hu nkauj, ntaus suab nkauj, yeas dluab (Fine Arts), kawm txug kev lig kev cai (Law), kawm txug tshuaj (Medicine), hab kawm txug kev xaav, (Psychology)
- Tug nqe them kawm cov colleges ib lub rua ib lub txawv tabsis yeej muaj nyajtxag paab (financial aid)

*Yog thaum pib nuav, es koj rau sab kawm kuam tau cov ntaub ntawv kws thwj rua yaam dlejnium kws koj xaav moog ua, nua tes nwg yog ib txuj kws zoo rua koj taug lub sijhawm kws koj yuav pib moog kawm college huv koj lub neej!*

Cov kws tsim muaj cov ntaub ntawv nuav yog lug ntawm California Education Round Table kws yog muaj cov tuabneeg zwm nyob ua huv xwsle kws yog tug State Superintendent of Public Instruction, cov thawj coj huv California Community Colleges, the California State University, the University of California, hab the independent colleges hab universities ntxiv rua tug director of the California Postsecondary Education Commission. Cov kws ntseb cov ntaub ntawv nuav tawm yog lug ntawm the Intersegmental Coordinating Committee huv the California Education Round Table.

# Lub Neej Pegsuab

## High School muaj nqe!

### Lug kaav koj lub neej pegsuab

Yog has tas koj xaav txawjse, nrhav tau ntau yaam dlejnium ua hab kuam tau nyajtxag ntau nua tes koj yuav tsum moog kawm college. Lub nplajteb nuav naj nub hloov le, yuav nrhav dlejnium nyuaj yog tas koj tsi muaj ib dclaim college degree. Yog tas koj xaav muaj kev ywipheej xaiv koj txuj dlejnium hab tau nyajtxag ntau nua tes kev kawm ntawv huv college yuav tsum nyog rua huv koj lub neej pegsuab.

### Npaaj koj tug kheej

**TAAMSIM NUAIV txhaj yog sijhawm zoo rua koj npaaj moog kawm college.** Plaub xyoo tom ntej nuav, koj yuav tsum xaiv cov ntaub ntawv huv high school nuav zoo-zoo kws yuav paab koj kuam nkaag tau rua huv lub college kws zoo. Tomqaab ntawd, koj yuav muaj kev ywipheej xaiv koj le dlejnium moog ua. Koj lub neej yaav pegsuab yuav nyob ntawm koj txav txim sab lub sijhawm nwg nuav.

**Yeej muaj ntau lub college rua koj xaiv tabsis yog koj tsi ua tuab zoo xaiv cov ntaub ntawv lug kawm kws thwj lug kawm nwg nuav, tej zag yuav tsi muaj ntau lub college rua koj xaiv moog kawm ntawv yaav pegsuab.**

### Npaaj koj lub neej yaav pegsuab

Nyob tom rau dclaim ntawv nuav, yuav muaj qha txug tej hom ntaub ntawv kws yuav paab koj kawm lub sijhawm kws koj tseem nyob rua huv high school nuav.

Yuav zoo rua koj yog tas koj nrug koj tej xwb fwb qha ntawv, koj nam koj txiv, koj tej phoojywg, losis koj tej kwvtej txheeb ze kws tub kawm high school tav lug lawm thaam txug seb yuav npaaj le caag rua kev moog kawm college.

### Yeej them taug moog college

Moog kawm college yuav tsi kim heev npaum le kws ib txha tuabneeg xaav. Yeej muaj ntau lub college kws tug nqe yug them taug. Yog tas koj xaav moog nyob hab pw tom tsev kawm ntawv tes yeej yuav kim zog tabsis yeej muaj nyajtxag paab tau koj (financial aid) yog has tas txaus paab

Moog kawm college yuav tsi yog ib yaam kws yug ncaav tsi cuag. Yog tas koj tsi rau sab kawm ntawv tag tes tejzag yeej yuav ncaav tsi cuag. Rau sab kawm ntawv tag tes koj yeej yuav ncaav cuag moog kawm huv college xwb.

Lug kaav hab npaaj koj lub neej yaav pegsuab taamsim nuav!

California Education Round Table Intersegmental Coordinating Committee

560 J Street, Suite 390  
Sacramento, CA 95814

e-mail: [certicc@cde.ca.gov](mailto:certicc@cde.ca.gov)

(916) 324-8593 • Fax: (916) 327-9172

<http://www.certicc.org>

# Lub neej pegsuab: Dlaim ntawv ua qauv qha txug npaaj kev kawm ntawv nyob huv high school

Koj siv tau dlaim qauv nuav lug paab koj npaaj kev kawm ntawv huv high school hab txuas moog rua tom college, cov university miv nyob huv xeev California hab moog rua California State University hab University of California systems.

Yog tas koj lawv dlaim qauv nuav hab rau sab kawm ntawv zoo-zoo huv txhua hom ntaub ntawv, tes koj yeej yuav muaj cai lug xaiv hab nrhav lub college kws koj nyam hab txaus sab rua.

Huv qaab qhov chaw kws sau 9th, 10th, 11th, hab 12th, rau ib tug "X" rua xyoo kws koj npaaj tas yuav kawm hom ntawv hov. Nrug koj tug xwbfbw qha ntawv thaam kuam meej hab thov puab paab saib koj tej ntaub ntawv kuam thwj-thwj es sub koj txhaj le cuv tau kawm cov ntaub ntawv kws yuav paab koj moog kawm tau rua huv university losis college.

Koj lub neej pegsuab pib taamsim nuav moog le lawm. Cale lug npaaj koj tug kheej zoo-zoo rua koj txuj kev kawm ntaub ntawv huv high school, college hab rua yaaj tom ntej.

**Pib ntuj tsaug (Fall) xyoo 2003, cov kws kawm grade 9 yuav tsum kawm kuam tav 15 units huv high school mas txha le txaus moog kawm rua huv California State University (CSU) hab huv University of California (UC). Cov hom ntawv yog lawv le nraag qaab nuav:**

## Dlaim ntawv ua qauv nuav yog rua:

Cov ntaub ntawv kws paab npaaj koj moog college (A-G Requirements)	Pistsawg lub xyoo kawm	9th	10th	11th	12th
A. KEEBKWM (HISTORY/SOCIAL SCIENCE, U.S. HISTORY, U.S. GOVERNMENT, CIVICS, WORLD HISTORY, CULTURES, AND GEOGRAPHY)	2 xyoo. Kawm ib xyoo U.S. History losis 1/2 xyoo kws yog U.S. History hab 1/2 xyoo U.S. Civics losis American Government; hab 1 xyoo World History, Culture, hab Geography				
B. LUG AASKIV (ENGLISH)	4 xyoo kws moog ntaab rua college				
C. LEJ (MATHEMATICS) ALGEBRA, GEOMETRY, INTERMEDIATE ALGEBRA LOSIS DLUA LWM QEB SAB	3 xyoo, tabsis 4 xyoo zoo dlua kawm Algebra rua thaum grade 8				
D. LABORATORY SCIENCE	2 xyoo tabsis 3 xyoo zoo dlua (2 yaam ntawm cov nuav: Biology, Chemistry, Physics, losis dlua lwm qeb)				
E. LWM YAAM LUG KWS TSI YOG AASKIV (LANGUAGE OTHER THAN ENGLISH)	2 xyoo tabsis 3 xyoo zoo dlua (kawm 1 yaam lug 2 xyoo) Kawm kev has lug ua teg taw los tau				
F. VISUAL AND PERFORMING ARTS SEEV CEV (DANCE) KAWM MOOG UA MOVIE (DRAMA/THEATER) HU/NTAUS NKAUJ (MUSIC) VISUAL ART	1 xyoo				
G. NTAUB NTAWV KAWM MOOG COLLEGE	1 xyoo huv cov hom ntaub ntawv kws yog ntawm A-F.				

## Saib California cov college systems ib muag

Systems	Community Colleges	The California State University	The University of California	Independent Colleges and Universities
PISTAWG LUB CHAW	107	23	9	tshaaj 70
KAWM NTAWV NTAWV XEEM NCAAG	Tsi muaj	ACT losis SAT I	ACT losis SAT I hab 3 SAT II	Nyob ntawm (nug moog rua Cov college losis University kws Koj nyam moog)
COV DEGREES KWS TXAIS TAU	Associates degrees hab Vocational Certificates	Bachelors hab Masters	Bachelors, Masters, Doctorates, hab professional degrees	Associates, Bachelors, Masters, Doctorates, Hab professional Degrees
TUG NQE* (muaj cai hloov tai)	Xwsle \$11 tuaj 1 unit	Xwsle \$1,850 tuaj ib xyoo	Xwsle \$4,500 tuaj ib xyoo	Nyob ntawm
NYAJTXAG PAAB	Nyajtxag yeej yuav muaj paab tau rua tug kws qha tau tas nwg yeej them tsi taug tug nqe es xaav thov puab paab. Yeej muaj qee yaam scholarships kws yuav paab tau hab.			